

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2020/71, 01.06.2020թ.

Բողոք բերող անձ՝ «Ալ-Մասքա» ՍՊԸ

Պատվիրատու՝ ՀՀ Կրթության, գիտության, մշակույթի և սպորտի նախարարություն

Գնման ընթացակարգի ծածկագիրը՝ «ՀՀԿԳՄՍՆԳՀԱՇՁԲ-20/66» գնանշման հարցում

Գնման առարկան՝ վերականգնողական աշխատանքների ձեռքբերում

Բողոքի պահանջը՝ Պարտավորեցնել ՀՀ կրթության, գիտության, մշակույթի և ստորալի նախարարության կարիքների համար ՀՀ Սյունիքի մարզի Բնունիս համայնքի Սբ. Աստվածածին եկեղեցու վերականգման և մասնակի բարեկարգման աշխատանքների ձեռքբերման նպատակով հայտարարված «ՀՀԿԳՄՍՆԳՀԱՇՁԲ-20/66» ծածկագրով գնանշման հարցման ընթացակարգի գնահատող հանձնաժողովին դադարեցնել՝

1. 11.05.2020թ. ժամը 11:00 կայացած նիստի թիվ 4 արձանագրությամբ կայացված «Ալ-Մասքա» ՍՊԸ-ի կողմից ներկայացված հայտը անբավարար գնահատելու և մերժելու՝ հրավերով սահմանված պահանջներին չհամապատասխանելու մասին կայացված որոշումը,
2. «ՀՀԿԳՄՍՆԳՀԱՇՁԲ-20/66» ծածկագրով գնանշման հարցման ընթացակարգը չկայացած հայտարարելու մասին որոշումը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

Գեոմետրի հետ կապված բողոքներ քննող անձին

Բողոք բերող՝ <<Ալ-Մասքա>> ՍՊԸ

Հասցե՝ ՀՀ, Գեղարքունիքի մարզ,

ք. Մարտունի, Վ. Մամիկոնյան 5

ՀՎՀՀ՝ 08207774

Հեռ՝ 094 221 321

Էլ. փոստ՝ al-mask@mail.ru

Պատվիրատու՝ ՀՀ կրթության, գիտության, մշակույթի

և ստորալի նախարարություն

Հասցե՝ ՀՀ, ք. Վ. Սարգսյան 3

Գնման ընթացակարգի ծածկագիրը և առարկան՝

ՀՀ Սյունիքի մարզի Բնունիս համայնքի Սք. Աստվածածին եկեղեցու

Վերականգման և մասնակի բարեկարգման աշխատանքների

Ձեռք բերման նպատակով հայտարարված <<ՀՀԿԳՄՄԼԳՀԱՇՁԲ-20/66>>

Ծածկագրով գնանշման հարցման ընթացակարգ

ԲՈՂՈՔ

• Բողոքի նախապատմությունը և փաստերը

ՀՀ կրթության, գիտության, մշակույթի և ստորալի նախարարության կարիքների համար ՀՀ Սյունիքի մարզի Բնունիս համայնքի Սք. Աստվածածին եկեղեցու վերականգման և մասնակի բարեկարգման աշխատանքների ձեռք բերման նպատակով հայտարարված <<ՀՀ ԿԳՄՄԼ ԳՀԱՇՁԲ-20/66>> ծածկագրով գնանշման հարցման ընթացակարգ /այսուհետև նաև՝ Ընթացակարգ/:

Վերոհիշյալ ընթացակարգին մասնակցելու նպատակով հայտ է ներկայացրել միայն «Ալ-Մաքա» ՍՊԸ-ն:

Ըստ Ընթացակարգի գնահատող հանձնաժողովի 11.05.2020թ. ժամը 11:00 կայացած նիստի թիվ 4 արձանագրության.

- «Ալ-Մաքա» ՍՊԸ-ի կողմից ՀՀ կառավարության 04.05.17թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 32 կետի 1 ենթակետի /ե/ պարբերությամբ սահմանված ժամկետում չի ներկայացվել հայտի ապահովման բնօրինակը՝ քանկային երաշխիքի ձևով:

- Ընթացակարգի գնահատող հանձնաժողովը հիմք ընդունելով՝ ՀՀ կառավարության 04.05.17թ. թիվ 526-Ն որոշմամբ հաստատված «Գնումների գործընթացի կազմակերպման» կարգի 42 կետը, որոշել է «Ալ-Մաքա» ՍՊԸ-ի կողմից ներկայացված հայտը գնահատել անբավարար և մերժել՝ հրավերով սահմանված պահանջներին չհամապատասխանելու հիմքով:

- հիմք ընդունելով «Գնումների մասին» ՀՀ օրենքի 37 հոդվածի 1 մասի 1 կետը գնման ընթացակարգը հայտարարվել է չկայացած, քանի որ հայտերից ոչ մեկը չի համապատասխանում հրավերի պայմաններին:

Ելնելով վերոգրյալից և հիմք ընդունելով ՀՀ կառավարության 04.05.2017թ. 526-Ն որոշմամբ հաստատված «Գնումների գործընթացի կազմակերպման» կարգի 40-րդ կետը և 41-րդ կետը, գտնում ենք որ ընթացակարգի գնահատող հանձնաժողովի կողմից թույլ են տրվել վերոնշյալ կետերի խախտումներ ներքոնշյալ իրավական և փաստական հիմքերով:

• **Բողոքի իրավական հիմքերը և հիմնավորումները**

«Գնումների մասին» ՀՀ օրենքի (այսուհետ նաև՝ Օրենք) 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: *Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:*

ՀՀ կառավարության 04.05.2017թ. 526-Ն որոշմամբ հաստատված «Գնումների գործընթացին կազմակերպման մասին» կարգի (այսուհետ նաև՝ Կարգ) 40-րդ կետի 4-րդ

ենթակետի համաձայն՝ հանձնաժողովը մերժում է այն հայտերը, որոնցում բացակայում են գնային առաջարկը կամ եթե դրանք *ներկայացված են հրավերի պահանջներին անհամապատասխան*։ Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված՝ մասնակցի կողմից հաստատված գնային առաջարկը։

Կարգի 41-րդ կետի համաձայն՝ *Եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ* ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, *ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը*։ Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը։ Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները։

Նույն կարգի 42-րդ կետի համաձայն՝ Եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար։ Հակառակ դեպքում տվյալ մասնակցի հայտը գնահատվում է անբավարար և մերժվում է։

Այս դեպքում գտնում ենք, որ նույնիսկ եթե <<Ալ-Մասքա>>ՍՊԸ-ի կողմից հայտերի բացման հաջորդ օրը չէր ներկայացվել բանկային երաշխիքի բնօրինակը, ապա այս դեպքում կազմակերպությանը պետք է տրվեր այն շտկելու հնարավորություն, հատկապես, որ Կարգում հակառակը չի ասվում, հեռակաբար, եթե արգելված չէ, ուրեմն կարելի է։

Ցանկանում ենք նշել ևս մեկ հանգամանք։

<<Ալ-Մասքա>>ՍՊԸ-ն իր գործունեությունը իրականացնում է ՀՀ Գեղարքունիքի մարզ, Մարտունի քաղաքում։ Քանի որ մրցույթը հայտարարված է եղել 29.04.2020 թվականին, իսկ

հայտերի բացման նիստը նախատեսվել է իրականացնել 11.05.2020 թվականին, այսինքն 2020 թվականի մարտի 16-ից ՀՀ կառավարության կողմից արտակարգ դրություն հայտարարելու մասին կառավարության որոշման ժամանակահատվածում, իսկ մենք վստահ ենք եղել, որ մեկ օրվա ժամկետում կհասցնեինք ներկայացնել երաշխիքի բնօրինակը ՀՀ ԿԳՄՄՆ-ին, սակայն քանի որ ՀՀ-ում շարունակվել է արտակարգ դրությունը, իսկ նման պայմաններում տնօրենը կամ այլ ցանկացած աշխատակից ի վիճակի չեն եղել, հնարավորություն չեն ունեցել Մարտունի քաղաքից գալու Երևան քաղաք, որպեսզի գնահատող հանձնաժողովին հանձնեն բանկային երաշխիքի բնօրինակը, արդեն նշված պարզ պատճառով, այն է՝ ՀՀ-ում հայտարարված արտակարգ դրության և դրանից բխող ազատ տեղաշարժման իրավունքը, հատկապես մարզերի միջև, սահմանափակված լինելու պատճառով:

ՀՀ գնումների հետ կապված բողոքներ քննող անձի ուշադրությունն ենք հրավիրում այն հանգամանքի վրա, որ «Ալ-Մասբա» ՍՊԸ-ն ծանուցված չի եղել ընթացակարգի արդյունքների մասին, իսկ հանձնաժողովի արձանագրությունը հրապարակվել է www.gnumner.am կայքում հայտերի բացումից մի քանի օր՝ 14.05.2020 թվականին, ուստի այս դեպքում ևս արհեստական խնդիրներ են ստեղծվել ընկերության համար հասկանալու և ճիշտ իրավիճակը գնահատելու համար: Ստացվում է այնպես, որ Նախարարությունը սպասել է այնքան ժամանակ, մինչև «Ալ-Մասբա» ՍՊԸ-ն չներկայացնի բնօրինակը, նոր հետո մերժեն ընկերությանը և արձանագրությունը հրապարակեն կայքում: Այս ամենից էլնելով, պետք է կիրառվեր Կարգի 41 կետը և տար շտկելու հնարավորություն ընկերությանը:

Ելնելով վերոգրյալից՝ ՀՀ գնումների հետ կապված բողոքներ քննողանձին

ԽՆԴՐՈՒՄԵՍ՝

Պարտավորոցնել ՀՀ կրթության, գիտության, մշակույթի և ստորպի նախարարության կարիքների համար ՀՀ Սյունիքի մարզի Բնունիս համայնքի Սբ. Աստվածածին եկեղեցու վերականգման և մասնակի բարեկարգման աշխատանքների ձեռք բերման նպատակով հայտարարված «ՀՀԿԳՄՄՆԳՀԱՇՁԲ-20/66» ծածկագրով գնանշման հարցման ընթացակարգի գնահատող հանձնաժողովին դադարեցնել՝

- 11.05.2020թ. ժամը 11:00 կայացած նիստի թիվ 4 արձանագրությամբ կայացված «Ալ-Մասքա» ՍՊԸ-ի կողմից ներկայացված հայտը անբավարար գնահատելու և մերժելու՝ հրավերով սահմանված պահանջներին չհամապատասխանելու մասին կայացված որոշումը,

- «ՀՀ ԿԳՄՄՆ ԳՀԱՇՁԲ-20/66» ծածկագրով գնանշման հարցման ընթացակարգը չկայացած հայտարարելու մասին որոշումը:

Կից ներկայացվում է՝

- բողոքարկման համար կատարված վճարման անդորրագիրը,
- ընկերության տնօրենի անձնագիրը և պետական ռեգիստրի վկայականի պատճենը
- բանկային երաշխիքի բնօրինակի սկանավորված տարբերակը:

Առդիր՝ 7 /յոթ/ թերթ:

Հարգանքով՝

տնօրեն

Թամարա Ավետիսյան



01.06.2020թ.